


通雅

地輿 建都 釋地  
身體

十一



Δ041.7  
0028-02  
:11

Inches  
Centimetres  
TIFFEN Color Control Patches  
© The Tiffen Company 2007

0 1 2 3 4 5 6 7 8 9 10 11 12 13 14 15 16 17 18

通雅卷之十七


桐山方以智密之輯著

同里姚文燮經三較訂

地輿

九州建都考略

九州分合以禹所作者為正。○周禮疏云自神農以上有大九州。黃帝乃於神州內分九州。騶衍所云赤縣神州是也。外有大瀛海。大九州。淮南墜形訓。東南神州農土。正南次州沃土。西南戎州洺土。正西弇州開土。正中冀州中土。西北台州肥土。正北濟州成土。東北薄州隱土。正東陽州信土。臆造名耳。帝王世紀云。冀兗青徐揚荆豫梁雍九州。顓帝所建。帝嚳受之。葉氏曰。祭



法共工氏霸九州其子曰后土能平九州九州之名舊矣舜十  
二州冀兗青徐揚荆豫梁雍幽并營漢地理志云堯遭洪水天  
下分絕爲十二州禹平水土更制九州與孔馬之說異禹九州  
冀兗青徐揚荆豫梁雍帝王世紀云堯遭洪水分爲十二州今  
虞書是也及禹平水土還爲九州今禹貢是也山海經稱禹使  
大章步自東極至于西垂二億三萬二千五百里七十五步暨  
亥步南極盡于北垂如之言步筭也爾雅九州兩河間曰冀河  
南曰豫河西曰雍漢南曰荆江南曰揚濟河間曰兗濟東曰徐  
燕曰幽齊曰營孫炎曰此蓋殷制以異禹貢周禮耳陸氏曰禹  
貢有青徐梁而無并幽營爾雅有徐幽營而無青梁并職方有

青幽并而無徐梁營蓋周九州揚荆豫青兗雍幽冀并又中土  
作白土台州作柱州濟州作玄州溥州作咸州信土作申土  
四極四荒非立圓當以地球五大州準之○爾雅泰遠邠國濮  
鈇祝栗曰四極觚竹北戶西玉母日下曰四荒邠說文作八國  
觚竹者漢地理志遼西令支有孤竹城在平州盧龍縣南唐平  
州今永平府也北戶者即日南郡西玉母者西荒經崑崙之丘  
有人戴勝虎齒曰西王母穆天子紀其跡于弁山名曰西王母  
之山日下者日所出處其下之國後一名日本自云國在日邊  
呂覽曰東至開梧南撫多類西服壽靡北懷儋耳四極內東西  
五億有九萬七千里南北亦然尸子曰有君長者東西二萬八

千里南北二萬六千里張平子靈憲云入極之維徑二億三萬二千三百里南北則短減千里此非立圓也今太西以天球地球應度二百五十里移一度則知地周九萬里計地面至中心隔一萬四千三百十八里零十八丈愚者歎曰莊子以六月息九萬里表法已知之邪極九六而闡合耳十二而舉其半猶六爻之藏萬理也騁衍大九州縣臆耳修多羅香水華藏圖如塔然表心量耳今資太西之質測以証周髀歸于河洛則不定皆一定矣乃悟聖人之差別智本易簡也

郡縣大小不一春秋郡屬于縣戰國後縣屬于郡○周書作維篇曰千里百縣縣有四郡說文引之智按周官有在鄉之縣有

在遂之縣有采邑之縣有閒田之縣故王畿謂之縣其名不一有以一村爲一縣者矣呂氏曰春秋時郡屬于縣趙簡子誓衆所謂上大夫受縣下大夫受郡是也戰國時縣屬於郡秦紀惠文十年魏納上郡十五縣是也方孝公商鞅時并小縣爲大縣縣一令尚未有郡牧守稱及魏納上郡之後十餘年秦紀置漢中郡或者山東諸侯先變古制而秦效之與戰國策楚王以新城爲王郡是也漢興置大諸侯王國或帝開廣三邊故自高祖增二十六文景各六或帝二十八昭帝訖於孝平凡郡國一百三侯國二百四十一晉志云郡國一百十一而漢志云一百三或有未考也元封五年初置部刺史十三人通典云十三部不

常治。後漢司隸治河南。今河南府。豫治譙。今亳州。兗治昌邑。今兗州府金鄉縣。金鄉猶有昌邑城。徐治邳。今邳州。青治臨淄。今青州府涼治隴。今鞏昌府之秦州秦安縣。非今鳳翔府之隴州也。并治晉陽。今太原府冀治鄆。今真定府趙高邑縣。幽治薊。今北京。揚治歷陽。今和州。荆治漢壽。今常德府武陵縣。益治雒。今成都府之漢州。交治廣信。今梧州。關中復置雍州。後罷。興平元年。分涼州河西四郡為雍州。是為十四州。三國魏州十二。蜀置益梁二州。吳置交廣荆郢揚五州。晉平吳凡九州。南北僑大自侈而已。隋改州為郡。凡郡一百九十。唐改郡為州。太守為刺史。分十道。凡州府三百一十五。而羈縻之州。蓋八百二十四。都

督開元二十一年。分十五道。置採訪。曰京畿。治西京城內。曰都畿。治東都。今河南。曰關內。多以京官遙領。曰河南。治汴。今開封府。曰河東。治蒲。今蒲州。曰河北。治魏州。今大名府。曰隴右。治鄯州。今西寧衛。曰山南東。治襄陽。曰山南西。治興元。今漢中。曰劍南。治成都。曰淮南。治揚州。曰江南東。治蘇州。曰江南西。治洪州。今南昌。曰黔中。治黔州。曰嶺南。治廣州。置十節度。嶺南五府。經略。此外長樂。經略。東萊。東牟。兩守捉。宋二十三路。至道三年。定十五路。咸平四年。分川陝為四。益梓利夔。天聖分江南為二。康定二年。分陝為四。秦鳳涇原環慶鄜延。慶曆四年。分河北為四。定州高陽真定大名。皇祐三年。分淮南為二。揚廬熙寧五年。分

京西為南北陝西又為六路八年分河北為東西共二十三路元以各州為路分為行省今時仍省名改為府雲麓漫抄言漢刺史無所處之地以戴叔倫撫州廳壁記云居靡定處權不牧人遂確以為無治所此未見通典邪居靡定處言出巡耳

古都○慮義鞏昌府秦州人都陳今陳州宛平今時陳州屬開封府陳州見有伏羲廟及陵○神農隨州人都陳又徙營曲阜春秋稱魯大庭氏之庫○黃帝陝西中部縣人都涿鹿上谷之涿鹿世本云涿鹿在彭城則上谷亦各彭城或曰都有熊河南新鄭是也涿州今有涿鹿驛而保定府乃秦之上谷鉅鹿漢之涿郡今保定府有涿鹿山黃帝破蚩尤于此○少昊自窮桑登

徙徙曲阜○顓頊自窮桑徙帝丘東郡濮陽是也濮陽故城在今澶州濮陽縣東明朝為開州郡縣志載高陽故城在汴州雍丘縣西南或曰顓頊高陽都杞○帝營都亳河南偃師是也堯舜禹俱都平陽○堯始封唐中山唐縣是也都平陽今臨汾縣○舜都蒲坂唐河中今蒲州屬平陽府平陽府古亦通稱蒲州○禹生石紐都安邑陝州夏縣漢為安邑屬河東後魏改夏縣此時安邑屬平陽府之解州隋為虞州禹受封夏伯今河南陽翟也輿地志言宿州虹縣本夏丘恐非商都八遷○封商在上洛商是也昭明居砥石遷于商湯始居亳有三亳二在梁國一在河洛之間穀熟為南亳即湯都也蒙

為北亳。即景亳。湯所受命也。偃師為西亳。即盤庚所徙也。宋州穀熟縣。即此時歸德府之考城縣。考城今有亳城。有大蒙小蒙。蒙與穀之亳。尚有分邪。本清曰。湯遷南亳。即歸德府。亳一作簿。荀子湯以簿。管子曰。湯以七十里之亳。地理志山陽郡有簿縣。注湯都亳。說文亳。京兆杜陵亭名。則又一亳也。呂覽所言之鄆。其始封邑也。升菴以鄆即殷字。非是。詳見禰論。仲丁遷於囂。敖倉是也。今之開封府鄭州滎陽縣。秦置敖倉於此。河陰縣有敖山。河壘甲居相。去鄆四十里。殷墟南。今輿地記以為大名內黃。祖乙遷于耿。河東皮氏縣。在今為平陽蒲州之河津縣。遷邢。即襄國。今順德府邢臺縣。所謂龍岡也。音耿為邢者。索隱之說也。

盤庚遷亳。殷偃師也。通志激水出陽城。東至西華汝陽入於潁。古人并謂潁為激。詩補傳曰。激滄同音。今陳州之商水縣也。或乙徙河北。居朝歌。即漢野王。今懷慶府河內縣也。或曰竹書紀年。南庚三季遷奄。在淮夷北。則商凡入都矣。  
 周建都。○后稷岐山縣人。封郃。扶風蘆城是也。即今鳳翔府公劉徙豳。今西安府邠州也。鳳翔府郃縣。云是古郃國。有郃城。一作釐城。釐城駘城。見左傳注。此古人字形相通。台怡之音亦通也。太王邑岐。今有岐山縣。古岐周地。云在美陽。是成功縣。非今之扶風縣也。王季宅程。周書作郃。詳前下文王徙豐。在京兆鄆縣東南。成王都鎬。漢鑿昆明池是也。周公營洛。即今河南府懿

王徙伏丘。秦曰廢丘。京兆魏里是也。今之興平縣。厲王居彘。通典。晉州霍邑。漢彘縣。今霍州。平王徙洛。兩周正義曰。王城及鞏。非也。桓居河南。惠居洛陽。詳見前。

秦都咸陽。○孝公作咸陽。自櫟音樂陽徙居之。關中四塞。舊說引

及居庸誤矣。櫟陽卽萬年縣。近朝爲臨潼縣。古治國有櫟陽一

漢都。○初居櫟陽。馮翊萬年縣。今西安府之咸寧臨潼縣也。七

季都長安。卽秦咸陽。京兆所治縣也。光武棗陽人。入雒陽。幸南

宮。郤非殿。遂定都焉。

三國。○蜀都成都。○魏都鄴。今彰德府。○吳始都于丹陽。築京

城。徙秣陵。改爲建業。黃初徙鄂。改武昌。後還漳浦。曰。吳都武昌。

乃武昌縣。王伯厚曰。庾亮南樓非鄂。皆因舊志注而然也。

兩晉南北朝都。○晉或都洛。爲西晉。元遷建業。爲東晉。宋齊梁

陳皆因之。○北魏猗盧自馬邑爲代王。什翼犍更營盛樂。珽都

雲中。徙都平城。孝文遷洛陽。改元氏。雲中代卽大同府。盛樂在

朔州。唐之朔州卽馬邑。屬定襄。定襄馬邑。今皆屬太原縣。平城

卽雲州。定襄縣。通典曰。卽雲州。隋雲內常安鎮也。地在今府。

隋都長安。○新建大興城。

唐五都。○高祖單陰縣人。都長安。改大興縣。復爲萬年縣。玄宗

幸蜀。以成都爲南京。至德二載。以鳳翔爲西京。西京爲中京。上

元元季。置南都于荊州。寶應元年。詔曰。五都。



五代都○朱晃都汴○後唐莊卽伋於魏州遷洛○晉石敬瑭  
太原卽伋都洛徙汴○漢劉嵩卽伋于太原都汴○周郭威都

汴

宋四京○西京洛陽開寶八年修洛宮室南京應天府祥符七  
季升太祖以歸德軍節度使卽伋也北京大名府慶曆二年升  
按晉賜畢萬魏卜偃曰魏大名也為河中之永樂今蒲州也非  
元城之魏也後漢以大名名此舛矣又閱舊唐書田悅稱魏王  
以魏州為大名府其失始此  
元大都上都○元以燕為大都卽京師明初名北平府永樂改  
順天古為薊城廣陽卽金之中都也紹興二十季金主亮徙都

之名大興府治薊春秋燕國都碣石前漢為薊縣舊治燕都有  
桑乾水慕容儁都此元之上都則今開平衛在延慶靖胡懷來  
土木之北一統志云雲州獨石衛在元之上都城內宣德五季  
築城又曰卽金桓州地有查河元初建都於和寧卽哈刺禾林  
也有迷河溫泉老父中丞公邊略曰自以大寧靖難棄為三衛  
而宣遼隔矣後又以撫賞失節邊將殺熟丁報級而屬于建矣  
天子自守邊而項後古北潮河不二日至安定門徐中山亦出  
塞而入取燕者也薊密昌庸重哉

五霸○夏伯昆吾東郡濮陽縣唐武德四年析濮州濮陽置昆  
吾縣今屬開德府智按濮州在東昌府大名府滑縣與開州又

屬古濮陽地。地相近也。今開州境有濮陽城。○商伯大彭。今徐州。○豸韋。東郡白馬縣東南有韋城。今滑州韋城縣。智按亦是滑縣地。滑縣有白馬山。所謂黎陽津。即白馬之津也。韋津一作圍津。○周伯齊桓。初太公都營丘。即臨淄。胡公徙居薄姑。智按今青州博興縣也。其應劭所云瑯邪姑幕。為古薄姑。非是。今博興縣有薄姑城。莒州有姑幕城。可以較矣。獻公復都臨淄。○晉文叔虞封唐。在絳州翼城縣西。子燮徙晉水傍。穆侯自晉陽徙都絳。孝侯改絳為翼。一名故絳。後為曲沃。成公所并。又命曰絳。景公遷新田。又稱新田為絳。○郝氏曰。隱公初季。周室東遷。鄭莊公始射天子。專征伐。是伯之始也。閔僖之間。齊繼之。晉文繼之。成襄以來。楚繼之。昭定以來。吳繼之。此說是。

之成襄以來楚繼之。昭定以來吳繼之。此說是。

十二諸侯。○魯都曲阜。祥符改為仙源。○齊晉秦俱見前楚見後

○宋都商丘。宋更名曰睢陽。正義曰。今宋州宋城縣也。今為歸

德府。○衛都朝歌。即汲都。今衛輝府淇縣。伯厚云。朝歌故城在

衛州衛縣西二十二里。衛縣今省入滑州黎陽。戴公廬於曹。即

滑州白馬是也。齊桓城楚丘。而居文公焉。今開州境。成公遷濮

陽。元君徙野王。今懷慶府河內縣。○陳都宛丘。今陳州治。漢潁

川地也。○蔡本畿內地。采邑。蔡仲收封汝南。平侯徙新蔡。昭侯

徙州來。以州來為下蔡。汝南為上蔡。今壽春縣。智按潁州潁上

縣。梁名下蔡。壽州之鄉。有下蔡。乃漢縣也。今有下蔡鎮。○曹都

曹今定陶縣○鄭桓公友初封鄭故城在華州鄭縣西北三里  
 成公取號鄆十邑之地居之即鄭州新鄭縣今時為開封府禹  
 州新鄭縣禹州秦陽翟地新鄭古鄆國鄭州滎陽古東虢國即  
 秦置敖倉之滎陽也○後見吳都吳正義曰太伯居梅里今  
 無錫至十九世壽夢居之都勾吳諸樊徙吳至光使子齊築闔  
 閭城今蘇州也○越都會稽今紹興  
 六國○趙自晉獻賜趙夙耿注今河中龍門縣東南後名為蒲  
 州趙襄居原今屬孟縣簡子居晉陽獻侯治中牟索隱曰在河  
 北非鄭之中牟敬侯元季始都邯鄲即磁州縣智按磁州今屬  
 彰德府而廣平府邯鄲縣正古趙都蓋地近今分屬兩省耳○

魏自晉獻封畢萬魏城在陝州芮城縣五里漢河北縣輿地廣  
 記河中府永樂縣古魏國智按平陽府平陸縣是漢河北縣地  
 而芮城縣正與平陸接壤河中即蒲州古今分屬異耳悼子徙  
 治霍今平陽府霍州魏絳徙安邑即禹都惠王三十一季徙大  
 梁今開封○韓成子封於韓原今韓城縣宣子徙居懷州成德  
 縣今為河內縣貞子徙平陽哀侯滅鄭徙都鄭今新鄭縣戰國  
 策謂韓惠王曰鄭惠○齊田和都臨淄即太公之營丘齊詩曰  
 子之營兮○楚熊繹當周成王時封居丹陽徐廣曰在南郡枝  
 江括地志歸州巴東縣東南四里南郡今荊州府也文王都郢  
 今荊州括地志在江陵縣東北六里昭王徙都即襄州樂鄉縣

後省入宜城。今襄陽府楚復還郢。襄王時秦拔郢。保於陳城。今陳州。考烈王徙壽春。命曰郢。○蕩或王封召公於蕩。都薊。太史公世家。以姑姓之蕩。仲父伐周。惠王者為北蕩。誤矣。括地志。蕩山在幽州。漢陽縣東南六十里。今薊州也。卽此時京城。西漢末諸國。○赤眉樊崇。大盆子于長安。○彭寵據漢陽。○王郎帝邯鄲。○劉永據睢陽。○盧芳據安定。今平涼涇州。○隗囂據天水。今秦州。○秦豐據黎丘。今襄陽宜城縣黎丘城。○張步據臨菑。○董憲據東海。今海州。○李憲據廬江。今廬州。○公孫述據成都。燮曰。外有鍾武侯劉望起汝南。龐萌稱東平王。與董憲連。述將延岑據汝寧。田戎據翼江。

晉十六國。○晉載記劉淵。以惠帝永興元季據離石。卽石州。智按卽汾州府永寧州。寧鄉縣臨縣。俱離石地也。稱漢都蒲子。今隰州。稱帝。徙平陽。劉曜徙長安。號趙。○李雄以永興元季稱帝。都成都。號成。壽改為漢。○後九季石勒據襄國。今順德府邢臺縣。謂後趙。石虎據鄴。○張軌先據河西姑臧。卽涼州。今鎮番地。是歲石勒後三十六季也。重華自稱涼王。據敦煌。卽沙州。曰前涼。近時猶有沙州衛。已棄敦煌。畫嘉峪關為界。○後一季冉閔據鄴。稱魏。○後一季苻堅據長安。稱秦。○慕容廆居棘城。棘城在營州城東南一百七十里。稱燕。是歲苻堅後一季也。僞始僭號。蓋號以咸康三季。卽燕王伉。築龍城。改柳城為龍城縣。七季

都之號新宮曰和龍。通典營州柳城縣有和龍城。通志即大遼之黃龍府也。田疇引魏武上徐無山出盧龍口越白檀之險歷平岡登白狼堆至柳城勝鳥丸是也。○後三十季後燕慕容垂據鄴都中山春秋白狄古鮮虞地漢盧奴縣其新樂縣漢新市縣秦趙郡鉅鹿二郡地高帝置常山中山即今真定府定州。○後秦姚萇據長安。○後二季西燕慕容冲據阿房。○是歲乞伏國仁據枹罕今河州稱秦。通典曰都苑川在蘭州五泉縣後曰子城縣北史築勇士城都之乾歸遷金城近時設蘭州衛於金城乞伏是曰西秦。○後一季慕容永據上黨稱帝于長子。○是歲呂光據姑臧稱涼謂之後涼近時於姑臧地置鎮番衛。○後

十二季慕容德據滑臺今滑縣稱南燕都廣固曹嶷所築乃青州益都縣西四里晉志苻朗以州降以辟閭彬為刺史為德所滅玄文說劉裕曰石虎塞五龍口而曹嶷降慕容恪又塞之而段龕降裕又塞之而超擒通志宋青州治廣固則正今之府治也今廣輿記并不載廣固之名而蘇刻通鑑卷首國都且以廣固為陝西成固縣矣。○是歲禿髮烏孤據廉川今秦州上邽縣西南隆安元季稱西平王曰南涼烏孤更稱成成王後三歲徙于樂都通典鄯州湟水縣一名樂都又云烏孤都廣成張駿置廣成郡蘭州廣成縣也唐更名金城縣明乃設蘭州衛於金城。○段業據張掖稱北涼明朝設甘州五衛于張掖地。○後三季

李嵩據敦煌稱西涼遷酒泉此時為肅州衛○後一季沮渠蒙遜殺段業都張掖遷姑臧總謂北涼○後四季譙縱據蜀稱成都王○後二季赫連勃勃據朔方都統萬稱大夏今寧夏○後二季馮跋據和龍稱北燕為戰國者一百三十六載和龍即柳城燹曰冉閔慕容冲譙縱季數短促不在十六國之數

隋末諸國○鄭王世充據東都即河南府○魏李密據鞏在河南府屬縣○梁蕭銑據江陵○夏竇建德據樂壽即瀛州縣今河間遷洛州今廣平○燕高開道據漢陽○梁梁師都據朔方即寧夏○涼李軌據成威○秦薛舉據金城即蘭州○永樂李子和據榆林○定楊劉成周據馬邑為定楊可汗○漢東劉黑

闔據洛州○吳李子通據江都○吳杜伏威據歷陽即和州○梁沈法興起吳興今安吉州○宋輔公祐據丹陽即陳故宮都之今鎮江府○楚朱粲據南陽今鄧州○元興操師乞據豫章○楚士林弘據虔州今贛州○魯徐圓朗據兗州燹曰其時宇文化及據江都稱許楊士林據成昌稱楚汪華據歙稱吳王須拔據上谷稱莫羅藝據涿稱莫劉季真據離石今汾州屬縣地稱劉王邵江海稱新平王俱在十三季內

後五代十國○吳楊行密都廣陵○唐李昇後稱江南都金陵遷豫章復都金陵○前蜀王建成都○後蜀孟知祥○吳越錢鏐錢塘○閩王審知福州○漢劉隱廣州○楚馬殷潭州今長

沙。○荆南高季興南平。卽江陵。○北漢劉晏。五代史曰東漢太原。○後王延政以建州稱殷。卽閩也。以梁初論之。天下爲十一國。劉道原曾作十國紀季。或曰西岐李茂貞李從暉。北漢劉仁恭劉守光。晉李克用。楚之後復分或陵周行逢。雖皆稱王帝。不列十國之數。

地輿 釋地

地重言其地貴重也。○貨殖傳汧雍地重重爲邪。索隱曰地重言重于耕稼也。陳明卿曰非也。蓋言土厚耳。智謂言關中之地近天子。多公卿富厚貴重也。下文秦文孝繆居雍。隙隴蜀之貨物而多賈。舊以隙爲句。非也。當以隙屬下爲句。言開隙于隴蜀

之間也。

大泉瀑布也。亦謂之泄。○莊子縣水三十仞。班固終南山賦。傷吐飛瀨。上挺修林。大泉落落。密陽沉沉。韓愈詩。縣瀑垂天紳。孟郊詩。簷溜擲天紳。蘇軾詩。餘波猶足挂天紳。縣水大泉天紳。皆指瀑布。浙江合浦陽江。逕諸暨與洩溪合。有三洩。陸游會稽志。言諸暨泄溪。造雲壁大。上洩高二百餘丈。土人號瀑爲泄爾。輿地志作五泄溪。水經注言縣河雷林。湍注潏溢。散氛霧合。樊宗師絳守園池記。言水腔瀑三交洄漣。皆狀瀑語。

夷庚平路。一曰徃來要道也。○左傳以塞夷庚。繁欽辨惑。吳人以舟楫爲輿馬。巨海爲夷庚。陸機辨亡。旋皇輿于夷庚。詩序曰

由庚萬物得由其道是以庚為道也。

趵突即瀑流也。○張邦基曰濟南為羈在歷山之陰水泉清冷。

凡三十餘所舜泉瀑流金線真珠洗鉢孝感玉環之類皆奇李

格非字文叔嘗為歷下水記敘述甚詳曾子固作詩以瀑流為趵

突未知孰是今濟南府志則載趵突泉矣此爾雅之瀆大出尾

下也疏曰汾陰有水口如車輪曰瀆魁又馮翊郃陽有一瀆夾

河又一瀆皆潛通郃陽今同州西陽襍俎有大極泉蓋神瀆蓋

漿之類列子所云甌甌有水曰滋穴神瀆也升菴言蜀有七瀆

盆溢瀆起也。○陳忠諫伯崇往來其陵疏曰隔并屢臻海水盆

溢注盆與溢去聲同溝洫志曰河水溢溢蓋滿起貌晉志水澇瓮

溢此因盆用瓮耳相如盆入曾宮之筦我唐儒學傳全集京師

莊子隱全皆謂滿起也溢又作噎當與瀆歎通

水疾崖傾曰礧礧積相湊曰林。○升菴曰四川有閬王礧夔子

礧水疾崖傾曰礧礧積相湊曰林林音子今有石危子折危子

又云大小巫湖曰二巫外習裏習曰兩習按林乃孫氏妄大之

音不必以此文蜀之鄉語子也搗謙敬甫皆以林為古流字子

才以林為古委字

水溪瀨中謂之究。○竺枝扶南記山溪瀨中謂之究水經注曰

九真郡九德浦逕越裳究九德究南陵究進得橫山度比景廟

橫山即今南寧府之橫州也



合口水洪謂之渙。汾盪者謂之洪。○衡漳會雩池謂之合口。又分二川當其水洪處名之曰李聰渙。曰洪者如雞翹洪呂梁洪之類是也。

水合闊溢謂之澁。○樂成陵縣北衡漳逕弓高縣合柏梁澁如澁北有下澁成皆岐水合若杜工部用澁澁則自以意用也。又作泚地名雁泚韓文曹成王碑行泚泚泚川遼有三岔即泚義河去聲嘉靖雷禮修盧溝河今岔河水歸故道。

澁浸之潛渙淺水也。○音殿魏都賦掘鯉之澁注在河間如淵而淺也。今北方傍水艸之地皆謂之澁倪鴻寶領司徒曾議諸澁欲堤之以為屯田水經注范陽城西易水鹽亭陂通梁門澁

又清澁水發西澁轉注畧史記浚河渟水放之海前西域傳其水亭居考工記奠水皆一字則即澁字矣渟澁之音與猶廷轉音定又轉為殿也。

湖澁之波漾者曰澁。○水經注易水又東渥水注之謂之大渥澁小渥澁又澁水會博水逕陽城縣散為澤渚為疊舸折芟之所曰陽城澁益昌有澁澁今松江府有薛澁湖。

塵垢或作塚均埏堞通作蓬塊其曰跋跌言塵埜也。○存中曰博物志曰徐州人謂塵土為蓬塊吳人謂之跋跌韻輯轉注曰莊子塵垢雀本作塚垢塚音埏齊謂風塵曰埏堞宋玉用埏堞亦塵塊也九懷曰霾土忽兮塵塵音枚集韻作埏古詩云跼跋

紅塵下。則馬踐塵起也。博雅注。窒塵。即煙煤。呂覽煤室入甑中。注煤室。烟塵之煤也。

鬱棲。糞壤也。董塊。粘土也。○至樂篇。陵烏得鬱棲。則為烏足。朱君虛子陳景元法曰。鬱。栖糞壤也。烏足。俗呼墨州。烏髭方用之。劉守光圍滄州城。城中食董塊。董塊。粘土也。

埠頭。水類也。○說文類從步。故水邊亦謂之步。青箱雜記曰。退之羅池碑。言步有新船。或以步為澁。非也。智按。任昉曰。上虞有石駝步。吳江中有魚步。龜步。湘中有靈妃步。昉按。吳楚間謂浦為步。則非特唐有此音矣。後人遂作埠。音步北方曰務。如宋趙彥衛雲麓漫抄。東京至女真。御寨行程。有蘄州。永濟務。遼河梁虞

務。今通州有河西務。東昌府有李開務。元至正六年。盜扼李開務。開河。今積販泊商之所。曰埠頭。刻日交市。北方曰集。南方曰墟。

水畔曰泝。猶澹也。○廣韻有泝。音畔。唐書王維傳。有芙蓉泝。片為木之半。故得音。

京。古原字。○檀弓。晉獻文子曰。成也。全要領。以從先夫子于九京也。智按。古京字。篆作京。周禮。邊師。大篆也。爾雅。高平曰原。通用則九原。猶九地也。漢九原郡。改五原。絳州九原山。如洛北邙。晉都絳。故文子觀而嘆之。俗不知京為古原。凡用兩京。書作兩京。及用九原。書作九京矣。直翁反云。檀弓誤。胡元瑞筆叢。猶用

九京以從無人言及耳原又與阮通見後

江膺猶言江心也○水經注曰若水至熒道縣又謂曰馬湖江

繩水瀘水孫水淹水大渡水皆合焉縣人隗叔通為母汲江膺

水天為出平石至江膺中今謂之孝子石應璩引此以為江裔

水○水經注曰若水至熒道縣又謂曰馬湖江

竅塞外道也○陸贄關中事狀倘有賊臣蹈竅注音萃塞外道

也此字別無所本敬輿條奏何為用奇字必當時語也古文尚

書作竅三苗說文竅塞也虞書曰竅三苗粗最切則是竄字亦

音萃乎說文穴部復有竄字七亂切此何解乎蓋因俗文而附

入之耳

瀧灘也○嶺南急流謂之瀧韶州樂昌有瀧水音霜歐陽公有

瀧阡嚴陵七里灘亦曰瀧葉少蘊曰土人謂瀧為籠初至為入

瀧既盡為出瀧

大湊為四方所輻輳也則土言法也○作雒篇第四十八周公

俘殷獻民遷于九里俾康叔宇于殷俾中旄父宇於東乃作大

邑成周于土中城方千七百二十丈郭方七百里南繫于洛水

北因于郊山以為天下之大湊制郊甸方六百里周西土為方

千里分以百縣縣有四郡設丘兆建大社于國中其墳東青土

南赤西白北驪中央黃將建諸侯鑿取其方一面之士苞以黃

土苴以白茅以為土封故曰受則土于周室乃大五宮大廟宗

宮考宮路寢明堂咸有四阿反坫重亢重郎常累復格藻梲設  
 移旅楹燹常画內階文階堤唐山廡應門庫臺元闔  
 水埭猶堰也○晉大元九年謝玄於呂梁遣督護聞人爽用功  
 九萬擁水大七埭以利運漕水經注泗水之上有石梁今名呂  
 梁洪在徐州彭城東五十七里宋景公彎弧東射矢集彭城之  
 東欽羽于石梁陳吳明徹以舟師北破下邳進屯呂梁堰泗水  
 灌徐州是也  
 石的石壁之最著者也○水經注滎陽城鄉李勝祠前有  
 石蹠蹠上有石的箋云石的疑作石碣非也智謂石的乃謂壁  
 大著明如射侯之的也會稽記有射的山山有石壁方二丈

滯注淺水也○水經注斥漳縣水入青洹故瀆水舊斷溪東北  
 出洹流滯注而已玉篇曰滯莫歷切水也

琴城冢也○水經注楚人謂冢為琴六安縣都陂中有大冢民  
 曰公琴卽皋陶冢也銅陽縣有葛陵城有楚成王家民謂之瑟  
 城箋曰瑟當作琴

鹽鹵鹵澤也○水經注膠水北歷土山山悉鹽坑箋云坑當作  
 鹵按玉篇音亢云鹽澤也北史楊義臣以遼東還兵入豆子鹵  
 討賊譌作鹵省作坑耳存中言堯捐水乃解澤之濁水敗鹽者  
 也

町疇田閒道也○毛萇因町疇鹿場則訓町疇為鹿跡許慎亦

曰町疇禽獸所踐處可謂泥矣。町田閒道曰町疇。蓋言其蕩蕩也。左傳町原防井衍沃。干寶注平川可井者井之原阜不可井者則町之。町小頃也。張衡賦編町成篁。注謂吠畝。莊子舜舉于童土之地。注童才疇也。如山無草木曰童。伊川曰廬旁隴畦也。征夫久不歸。町疇之地。踐為鹿場。非謂町疇即鹿場也。集韻作埵。暖黷。公紹依說文疇土短切。今山東方言以路平行。便為町疇。讀如汀湯。江北則呼為汀湯。白子皮為余言之。東門龍之說解果猶蟹螺也。螯裸言狹而果也。○升菴以解果螯裸蟹螺為一。引荀子解果其冠。魏都賦風俗以螯裸為媼。說苑淳于髡言祠田蟹螺者宜禾。污邪者百車。蟹螺高地也。今作偃僕。智按今

作甌窶。史記甌窶注猶培塿也。左傳部婁無松柏。荀子注引說苑蟹螺宜禾。言蟹螺之背微高。韻補引史記注裴側之地猶培側也。以培塿言冠言冠之狀。中高而旁脩耳。則解果當音蟹裸。若左思之用螯裸為媼。智見媼一作媼。螯又作儻狹也。儻猶揚雄質難之難隘也。唐韻有裸。蒼頡篇果敢作裸。敢則左思之用螯裸。蓋言風俗以隘狹果敢為快也。媼古音壞。與快近也。音義全與解果蟹螺不同。劉子玄史通曰。蒼梧人風媼割地氣歎瘴。正用螯裸為媼。而作媼割。唐人好造如此。沈澤猶沈斥也。淙洲正言菜洲沮洳也。○陳無功引傳曰。沉者莽也。沉澤言澤無水如斥鹵之類也。智見風俗通山澤篇有沈

有沛升菴引之猶漢書言沈丘也。又按公紹列二沛引一為地名一為水草。王制沮澤注沮謂菜沛草所生日菜水所生日沛。公羊傳草棘曰沛。崔駰達旨蟲蚋之趣大沛子謙合之說文本無二沛但作泚。著蓋切。而又有滌泚之訓。玉篇波兒箋曰泚從泚省。

山脅今之衝坂也。○說文坡者曰坂。一曰澤漳。一曰山脅。韓信並山謂傍山脅也。今山衝小坂是也。

朝夕池海名言潮汐也。○枚乘傳朝夕池潮有朝夕之期。山海經朝夕池一名天池。風俗通海為百谷王亦曰朝夕池。水經注平樂縣南有朝夕塘。一日再增再減同于潮汐。潮汐詳質測。

尾閭歸墟也。○荀子渤海東有大壑其下無底名曰歸墟。八紘九野之水天漢之流莫不注之而無增無減。一名歸塘。即莊子所謂尾閭者也。智曰地中多竅水吸則物隨之弱水不載必下有氣吸收黃河乍清或水物吸收耳。總歸氣論各海氣歸各處之峰頂此何疑乎。

土有太土橫土土穴謂之空戶。○說文空或永切北地謂地空。又曰北方謂土穴為空戶。陳後山曰穎中田理有太土不可稱。何子元言山陝閒穴居亦言有太有橫橫土可居。又言有土界水界之說。唐僧泓告張說土界水界有龍守之宜鑄鐵牛以防二龍。又宜埋玉埋硫。此說雖不可知而葬家從未言及。或曰玉

之能和百神固未可知而疏性則可辟蟲蟻絕水脈

容突卽凹凸坵○終南太乙云容突出蒼頡篇新都曰卽凹

凸陳懋仁曰經史直音容音渴合也突音亦穴也智謂字書臆

解支遁云地有坵坵周伯溫取坵坵反以凹凸古字爲俗神異

經大荒石湖無凹凸圖記一乘寺名凹凸寺

魁父猶塊附也○周語高山廣川大藪幽王蕩以爲魁陵糞土

溝瀆京山曰魁陵卽丘陵趙簡子夢帝謂嬴將大敗于范魁之

西范魁卽范丘又言列子魁父卽丘阜梁父卽梁阜智按列子

曰以子之力不能損魁父之丘魁丘並用自非可通謂爲塊附

之丘猶可蓋培塿一作附婁魁然卽塊然曰不注曰不其謂如

花專故培阨有不音夫音與不字可音否又可音夫正同

寫田遠莊寄業也駱田架田卽葑田也○王伯淮奏議曰交鄉

寫佃謝華啓秀以封水煥山對之煥山見南宋西陽王子尚奏

煥音戲在未韵卽徐文長所謂煥爐謂藉芴也見農時條說文

寫寫窅深也多嘯切子謙遺之今方言卽以隔遠爲寫遠新都

又言葑田音去聲元瑞駁之據闕駟十三州志云百粵有駱田

王氏農書架田卽葑田駱亦音架交趾有架田此何能駁邪元

美言吳有門曰葑廣湖邊田今呼爲葑江賊所指卽此

句廉岸曲之稜也○趙充國傳辛武賢擊罕羌入鮮水北句廉

上服虔句音鉤師古曰句廉謂水岸曲有廉稜也韻會引說文

廉仄也。徐曰：廉稜也。今說文不載徐說，而徐解正合。按：喪大記，卽伏于堂廉楹，鄉飲酒，設席于堂廉東上。注：皆謂側邊廉稜也。稜卽廉之轉聲而閉口也。屋稜曰檐，斥稜曰廩，壁危曰阼，皆廉稜之聲。

息壤，坳土也。○蘇竊帝之息壤，以堙鴻水。羅泌路史云：息生之土，長而不窮。漢時臨滁地，涌六里，又無鹽危山土起。唐江陵南門地隆起如伏牛馬，去之輒復。又柳子所言永州龍興寺地，如負甕起，皆爲息壤。莊子隱坐，亦謂坳起也。顧遜園曰：王襄敏公廳事有土墳起，古息壤也。智以息壤是理，竊帝者，奇其字法耳。萊蕪之石自大。漢昭帝時資州之石上坡。獨異記寶曆元年臨平之湖自開。


錢塘記歷陽由拳自陷。歷陽陷見辨命論何獨于息壤而疑之。吳時詳見質測。由拳陷見神異傳

九有，猶九圍也。○外記曰：人皇居中州，以制八輔。此引春秋命歷敘文也。古稱九有，有與圍通。都爲中圍，八輔則餘八圍也。故本清以八索爲八澤。舊說八索入卦也。

精進  
卷之十七 地輿  
三



廉人也徐曰廉後也今說文不載徐說而徐解正合按表大記  
 即伏于堂廉極仰飲酒設席于堂廉東上注皆謂仍邊廉後也  
 後即廉之轉聲而閉口也屋覆曰廉曰廉曰廉曰廉曰廉曰廉  
 後之聲



息氣全土也○  
 本蓋以人案其  
 聖人與古師  
 大音韻大圖也○  
 清良寶順

通雅卷之十七終

目  
由華  
 則謂  
 良神  
 命論  
 何圖  
 于身  
 樂而  
 終之

通雅卷之十八

二十五百息  
 桐山方以智密之輯著  
 其燈  
 同里姚文燮經三較訂

身體

鼻祖先生任督消息之自也○  
 胚具命門生鼻隧為小環而漸  
 長成形即為任督二脈之宗隧脈生脾肝肺心生其勝已者心  
 生小腸大腸膽胃膀胱三焦生其已勝者謂之鼻祖言氣息也  
 將寐則目不用已而耳不用鼻息則寤寐一如耳目橫而鼻中  
 直鼻從自昇聲象鼻即鼻天界也以二孔相代錯生息而消息  
 也自心之籥也臚音置信也任任其下督督其上

焦泌三焦泌汁于三隧也。營衛歸宗而呼吸晝夜為脈會。人身之天地也。○受天地之中以生。中未易言。姑以身而物之。頂圓額孩音方。天地定位也。鼻岳口巖。山澤通氣也。眼外耀而舌下津。水火不相射也。喉出響而耳收聲。雷風相薄也。臟腑應運氣。十二經應時。半舉之六爻也。骨節三百六十五。周天也。宗氣搏而積于膻中。行上焦呼吸為一隧。中焦泌音必水穀之精氣。注肺應刻數。化血榮四末。行經脈中。曰榮隧。行分肉之間。下焦別迴腸。濟泌滲膀胱。曰衛隧。太陰肺主內。太陽膀胱主外。而平旦會于寸口。子午用卯酉。帝出夏時。非其徵邪。任督叶之。晝夜五十營。行八百一十丈。為萬二千五百息。石齋先生疑與易策異。智嘗窮之矣。

蓋洛書之數也。六十四日大周。為八十六萬四千息。而具策會矣。五倉五藏也。六腑納輸而臟本藏也。○谷永諫成帝。化色五倉之術。左道欺罔。李奇曰。思身中有五色。五倉神。則不飢不死。今醫言倒倉。其遺也。予雲夢五藏墮地。內經脾為孤藏。菽文志五藏六府。後加艸肉作臟。臟陰通于氣。喉腑陽通于食咽。人身惟此二道。

魂魄亦稱營魄。精神氣化也。○老子載營魄抱一。京山曰。卽魂魄。焦氏翼訓營為魂。太玄告魂魂萬物。動而常冲。智按古讀魂為云。以韻解義。故曰魂營營也。孝經說魂芸也。白虎通魂者云。

也。又按薛君章句：聊樂我員，作魂則魂音云明矣。鬱儀作魂魄。晶神，鄜作精神。精由情生，神由天。易曰：精氣為物，游魂為變。祭義曰：神者氣之盛也。魄者鬼之盛也。子產曰：既生魄，陽曰魂。書曰：徂魂升，落魄降。關尹曰：精神水火也。精無入神，無我神動名意，意動名魂。凡造化所妙，皆吾魂。所有皆吾魄。醫言腎藏精為命，心藏神為性。子瞻曰：志勝氣為魂，氣勝志為魄。黃勉齋曰：精之神曰魄，氣之神曰魂。愚者曰：氣古氣字，氣乃餽也。因氣化而形化。聖人重在理化，理與心來，知則能用心之精神。是謂聖泯則本泯也。心之精必親已而疎物，心之神必用外以為內。精神皆氣也。精凝氣而神，神則統精氣。性命一陰陽也。然有轉陰

陽傳精神盡性命者，可茫然邪。聖人合內外形，神虛實而明其中之理，故善用其神化，不則且為精神性命陰陽所惑。戴干，豐上也。○面額高滿曰戴干。乾鑿度云：泰表戴干。鄭氏注云：表者人形，干盾也。隋書王劭言：上有龍顏戴干之表。禪師有豐干，因貌以為號。仲任言：顛頭戴干，恐是戴干之訛。然子才昭明敬甫皆謂古午作干，或取此邪。大宅，面王也。○內經言面王，面部也。黃庭經曰：靈宅既清，玉帝遊梁丘。子注曰：面為靈宅，一名大宅。大洞經曰：面為尺宅，或作赤澤。七發曰：滿于大宅。秦之揣枚乘在漢，已見道書。而李善等不詳所出。

輔銘言輔頰與顛也。○爾雅目上為名，荷嗟名兮。注曰為可名也。支矣。升菴云玉篇引此句作顛，眉目之間也。智按大玄輔銘滅麋言陷及頰顛以沒眉，猶易涉滅頂也。西京賦昭藐流眄，注略眉睫之間也。不知引爾雅目上為名，郝氏亦未收西京之路。滅麋即滅眉，古通也。荀子須麋即須眉。孟康曰眉上為衡，陳崇奏莽功德曰盱衡振色。續博物志曰楊雄謂揚眉曰揚衡。梓師注仲師曰衡，麋衡也。即謂眉衡。今謂眉顛，面曰曰龐。夫顧謂或敏，拇文也。○詩履帝成敏，爾雅注拇迹也。或與無曼莫毛通轉。而岷汶砥礪通用。故知或為拇，敏為文。蓋謂足拇之迹文也。禮布或謂步也。詔侑或方，即無方。呂覽凶桴瓦缶，或臬從之。謂

眊噪也。可推古之聲通。

腹尺言腹肥也。○三國志趙稚長有腹尺，故正平咲之後人或

稱腹負。因東坡腹負將軍語。或云是黨進。

柏耳迫耳也。○北史許公宇文述素好著奇，雲定興曰入內耳

冷，乃製挾頭巾。今深柏耳，人學之名為許公栢勢。按柏與迫通。

瓠子歌柏冬日。漢高曰柏人者迫于人也。

八彩謂八眉，其跳踣跳也。參漏滲漏也。此脇即駢脇。末僂謂背

僂也。○尚書大傳曰堯八眉舜四瞳子禹其跳湯扁文王四乳

八者如八字也。其跳者踣也。扁者枯也。淮南言禹耳參漏謂滲

漏。今之漏耳論衡遂曰三漏。荀子言仲尼蒙俱如蒙魃頭也。傳

說如植鱗言乾瘦也。論衡言重耳張儀化脇。周公背僂。皋陶馬口。孔子反羽。謂反唇也。莊子曰老萊子之弟。遇仲尼曰。修上而趨下。未僂而後耳。末僂。謂背在後為末也。史記注言老子耳有三門。謂耳門三曲也。管子曰。子產曰角。晏平仲月角。尾生犀角。柳下惠史魚反角。角者額也。日言滿月言闕。犀謂直骨隱起。犀角在中也。反謂拘骨也。方言倚畸奇也。體不具謂之畸。傳曰畸。閭而語。淮南曰。男女切畸。皆奇足邪倚。管子必有管屬此畸。猶今之言踣也。後人用箕踞。即其跳之畸也。古作甘。即箕字。借為語詞。舊注其跳之其為助語者非。

差肩猶比肩也。肩迫猶駕肩也。○阮籍莊論曰。闕鑑整飭推季

躡踵差肩而坐。猶豫相林。差肩言駢集層次。相林猶言相視如林。此嗣宗字法也。田儻傳併肩而事主。師古曰。併音步。鼎反。嚴大子哀時命曰。衆比肩以肩迫兮。蕪城賦言駕肩狀濟濟也。肩迫則猶有競進之意。

曾撓猶曾波也。○招魂曰。娛光眇視。目曾波些。曾重也。摹寫娛咲輕眇。回波層折之態。已極致矣。大招用曾頰。淮南修務訓。流眇曾撓。正謂眇視若咲也。

肺腑或作柿附。肺附。肺附。○史記成安傳。蚡以肺附為京師相。注如肺肝相附著。季表諸侯子弟若肺腑。注作柿附。如札柿之附木。太玄親首。肺附乾餼。注肺削也。柿附木。如肺附肝中。

山王靖傳得蒙肺附。劉何封事。臣幸託肺附。又後漢盧芳傳。以肺附之故。赦臣芳罪。按當以肺附為在。諸借音。或形近而通用。注者不知源流。各為曲說。說文。臚。金藏也。芳。吠切。皇。食所遺也。从肉。仕聲。易曰。噬乾脰。阻。史切。揚雄說。壘作肺。楷別之作肺。故形近。肺而亂也。腐爛也。扶。兩切。藏。府作臖。臖。則肉在。旁在下。何別乎。故作附。國策。汗明曰。尾湛附。漬是也。

秃。榻。謂秃髻也。○明堂位。注。齊人謂無髮為秃。榻。丁度作秃髻。亦作髮。博雅。廣韻。作秃鬣。音丘八切。梓人願注。鄭司農云。讀如鬣。頭之鬣。疏曰。今以無髮為鬣。田蚡曰。其一秃翁。音。亦。足。以大指為將。手以中指為將。小指為季指。漢以食指為噤。鹽

指。○闔廬傷將指。注。足大指也。宜四季注。疏。五指。巨指。食指。將指。無名指。小指。定。十四季注。則明手以中指為將矣。儀禮。少牢饋食禮。詩。懷之。掛于季指。注。詩猶奉也。季猶小也。服虔曰。食指。俗所謂噤。鹽指也。故知是漢語。康成注。儀禮。飯大擘。指本也。姚文燮曰。唐皇甫松。以蹲鴟釣戟。玉柱潛。亂奇兵。為五指名。欲尖。自戀其軀也。○淮南子。原道訓曰。欲尖之心。亡于中。則饑虎可尾。注。尖。古肉字。太玄。數五。五為主。為食。為尖。古樂苑。載吳越春秋。古孝子彈歌曰。斷竹。續竹。飛土。逐尖。但尖从六。或古籀之形。訛邪。諸書不收。惟孫恂收之。以為俗作尖。顏元孫亦曰。尖。俗肉字。推論。寅从尖。當古有肉字。訛為尖。

眇中。俠季脅兩旁。虛與處也。○素問曰。冬脈不及。令人眇中。清王冰注云。眇在季脇下。俠脇兩旁。虛軟處。腎外當眇。今唐韻韻會字彙。日月燈。皆遺眇字。當音渺。

撓。言屈體也。○荀子曰。屈要撓。古獲切。郝後曲節中也。王冰曰。肘後肉如塊。謂之脰。後人因謂脰即脰。非也。脰渠隕切。素問曰。脫肉破脰。或曰腹中胎也。智謂脰當音脰。謂腹中之積聚。成形塊膜也。

媯妍。言憔悴而妍也。○李夫人傳。媯妍。注瘦曰媯。冥。媯音媯。言以瘦而美也。

頤。折頰。頤即頤也。○子雲解嘲。言蔡澤以噤吟而笑。唐舉注。頤。頤之貌。又曰。蔡澤頤頤折頰。說文頤。低頭也。五感切。左傳。迎于門者。頤之而已。頤。頤也。頤。頤也。噤。頤也。頤。向黃也。万感切。按頤是班超。葵頤。楚詞。頤頤之頤。而今左傳作頤之。何與。頤混。集韻。又作脰。脰。若諸字為重文。何故。又互訓邪。必後人各附矣。孫恒頤。又音欽。或作頤。周燮傳。用欽頤。燮頤。亦此音。直書也。則頤與頤訛邪。抑侵覃通邪。鄭氏謂噤吟即頤。頤之訛。初學記。蔡澤欽頤。乃欽之訛。

耽耳。即儋耳。○淮南曰。耽耳在其北方。注耳垂肩上。漢南海有儋耳郡。注作瞻大耳。說文。曼無輪廓曰聃。老聃以此名。子長疑太史儋即老聃。則儋瞻聃一字。今儋州即儋耳。好戴椹帽。如







日樂工類倡優弄人。一日頽俗用淨字或疑是靚字。此詩應是逸詩。然其意可得而解也。或是詩之螭首。漢人別本作此字。

負牆負辰負劍皆狀其背也。禮負劍辟咎召之。注負謂置之於背。劍謂挾之於傍。永叔作瀧岡阡表云。回顧乳者。劍汝而大

於傍。升菴方稱其妙。智按負古與背通。如周公負辰。子夏負牆而大。躬躬之貌。豈謂背上堆牆乎。負劍言負者以手撫童子之

肩背。若負劍然。豈必挾之如帶劍乎。如戟手謂交手也。亦將曰帶戟乎。

宜髮。蒜髮也。○升菴曰宜轉第三聲為蒜。今少季白髮曰禿髮。徐文長則謂勞心計算則髮易白曰算髮。易與寡髮。古本作宜

髮。仲師曰頭髮皓落曰宜。宜其半白乎。智疑是寡之訛。募俞。胸與背也。○內經曰治之膽募俞。注曰胸腹曰募。背脊曰

俞。漢書西域傳。錢面錢幕。幕謂背也。倉公傳爪幕。按背穴也。飢敲。痿痺也。○枚皋傳自詆媿。飢敲曲隨其事。是借飢敲為委

被之意也。相如大人賦。容以飢麗兮。文選崔錯發飢類篇曰敲。脛曲也。小顏曰飢古委字。唐韻敲音靡。戴氏部美切。說文骨耑

飢集也。說郭載朱昂續飢敲集。作飢敲誤。按晁氏志。晦翁從父朱弁。作飢敲說。飢从凡。俗作九。六書總要作飢。馬援與隗囂將

楊廣書。萎廢咋舌。即謂飢也。淡陰即痰飲。○古醫方有淡陰之疾。俗作痰飲。升菴言初月帖。

通雅

卷之十八

九

身體

淡陰即痰飲

○古醫方有淡陰之疾

俗作痰飲

升菴言初月帖

楊廣書萎廢咋舌

即謂飢也

淡陰即痰飲

淡悶干嘔。卽痰悶乾嘔也。南齊書豫章王嶷遺命于飯檳榔。

掣縱曰瘈瘲。手足掣縱卽筋惕肉响也。○瘈尺世切。瘈音縱。賈

長沙用跋韜亦謂掣縱反戾也。傷寒彊急角弓反張掣縱爲瘈。

瘈一作瘈。瘈顛厥掣縱曰癩。小兒多有之。漢藝文志有瘈瘲方。

說文作瘈。瘈疾从疒依正韻可。

瘈瘲感寒健忍之狀也。○說文曰寒病也。孟郊詩燦毛各瘈瘲。

又作瘈瘲。參上聲。瘈所禁切。

酸疔猶酸削也。脛痠骨酸也。○周官春時有瘖消首疾。管子曰

其泉白青。其人終無瘖醒。說文曰酸疔頭痛。鄭玄曰酸削也。瘖

沿音亦酸痛。素問曰痿厥喘痛。又曰脛痠卽酸。列子曰心痛體煩。

類篇曰骨酸也。合溪引說文曰疔七音酸疔也。周禮疔瘍注亦謂

秃也。故史游曰痂疔。

漂疽卽癰疽。○千金方肉中忽生點豆腫泡。逐飯入藏者死。名

曰癰疽。南人名曰羽著毒。通作漂。莊子曰漂疽痂癰。與痂音同。

最惡者曰癰疽。左傳曰苟偃癰疽。生瘍于頭。素問曰消癰。伏

熱也。又曰癰成消中。王砮曰溼熱也。又癰虐但熱。當音單。

瘖瘖傷痕也。○諸氏榮美切。薛宣傳廷尉引傳曰。遇人不以義

而見瘖者。與瘖人之罪鈞。罪不直也。說文曰瘖。瘖瘖也。應劭曰

以杖與手毆人。剝其皮膚。青墨而無瘖痕。律謂之瘖瘖。音指類

篇曰瘖。血腫也。呂覽齊王疾病。趙凡夫曰方書謂之翻瘖。又謂



之音斤。此附會較字也。趙克國傳將士寒手足較疥。从軍音均。从豕音築。說文曰中寒腫覈。文類曰寒創也。踞亦訓疥。向秀曰龜均拆也。司馬彪曰文拆如龜文。則不必改音矣。今或讀皴。愠狴狐腋也。○崔令欽教坊記載范漢女亦是竿木家。開元出內有姿媚而微愠狴。愠狴謂腋氣。今所謂狐臭也。○疾蠡一作族。疾瘰疾癩。○戴合溪引陸德明言左傳不疾疾蠡。說文作瘰。或是唐蜀本。凡夫以為當作疾癩。智按說文瘰小腫也。一曰族。系。鉉曰今作疾蠡非是。今內經曰烝成痕。鬱乃瘞。卽疾蠡之病也。○黃帝醫書有官能之篇曰疾毒。言語輕人者。手毒。手心熱者。○

可使唾癰。兇病。爪苦手毒。為事善傷者。可使按積抑痺。各得其能。其名乃彰。何子元曰。手毒可使試按龜。五十日而龜死。手甘者復生。蓋人手心有火。故能運脾助煖。有極熱者。按物易化。悻盧言愁鬱都盧之狀也。○說苑景公敗梧丘坐睡。夢五丈夫。北面悻盧。唐人以撮口不快為都盧。此言悻悻而都盧也。目望陽曰望視。○見春秋傳。今日羊眼人。賈山傳戴目而視。言遠望仰視也。

飲汰猶吞聲也。凡聲之吞轉皆可曰飲。○賈捐之傳飲汰巷哭。師古曰淚流被面以入于口。故曰飲。此解迂甚。然則鼠思汰血。甚言淚盡繼之以血。思之伏匿如鼠耳。豈真眼中流血邪。梁成

通聲飲正謂吞喉聲也。蔡邕飲章則匿名章矣。三律者栗髮也。○荀子禮論不沐則濡櫛三律而止。注律理髮也。今秦俗以批髮為栗髮。當是瀝髮。楚辭晞髮瀝之而晞也。尸奪即尸厥也。橋引案杭言矯摩也。○說苑扁鵲言太子尸厥耳中焦焦用八成湯砥取三陽五輪子游矯摩。太子復生。韓詩外傳作尸蹶。倉公傳言尸奪者形散。又曰鑿石橋引案杭搯荒爪幕案摩也。杭音玩。則陽篇言橋起橋運。謂矯然而起也。管見即以橋然訓之。呂覽橋言無擇。高注橋戾也。孟奇曰杜蘭香別傳呼藥為消摩。消摩按摩也。智按今搜神記作消魔。小遺小溲也。○漢書東方朔小遺殿上。南史謝幾卿小遺沾令

史謂小解也。倉公言大小溲前後溲溲溺也。左傳廷以夷射姑旋焉。旋溲也。莊子之偃謂偃處便也。小通小使也。○韓詩外傳言男八歲而齠。十六而精化。小通女七歲而齒。十四而精化。小通水經注曰可以小使。皆言人道也。賈誼五餌言偶人無時。韓詩言不失時以偶。國語丹朱坊身以儀之。儀即偶也。夏小正言綏多士女。謂牌合也。胎肩歛肩猶脇肩。案足猶重足一迹也。○張衡應閒干進苟容。我不忍以歛肩。歛即脇。吳王濞傳脇肩案足猶懼不見釋。注脇與翕同。歛也。脇肩諂笑。韻注云鄭玄箋作胎肩。漢書汲黯傳言重足而大。謂股弁也。義縱石顯傳重足一迹。皆案足之意。案即

累。介特言單身也。○左个即左介介猶閉也。因作界字。昭十四季  
 叔介特。注單身民也。一介行李介。麋俱與个同。此介之為介也。  
 因作箇。按方言。絳。挈。儼。介特也。物無耦曰特。獸無耦曰介。个音  
 又轉為奇。古隻字。即奇字。詳見算數條。今閩中呼个如基字。可  
 想古音。

日宣曰磬折。日跗曰跌。日脊曰脣。日肉好曰衝牙。日渠脊之類。  
 皆以身狀之。○考工半矩曰宣。注宣人頭之長也。柯半曰磬折。  
 謂人之腰也。豆足曰跗。碑承曰跌。瓦亦曰跌。劍夾曰脊。陶旒有  
 脣。錢曰肉好。佩中衡者曰衝牙。其言同言目。言首言耳。言口言

齒。徃徃而是渠脊。玉面之追欵也。典瑞璧琖以起度。駟圭璋璧  
 琮琥璜之渠脊。疏鑿琮以斂。注鄭司農云。駟外有提盧也。駟讀  
 為駟疾之駟。疏讀為沙。謂圭璋璧琮琥璜皆為開渠。為脊。琢沙  
 除以斂。尸令汁得流去也。玄讀駟為組。渠脊。玉飾之溝。琢也。疏  
 曰六玉兩頭有孔為溝渠。兩畔稍高為脊。智按渠魁頰頰頰。古  
 通。凡言渠魁者。猶頭目也。魁梧魁岸。狀其偉也。此謂玉之琢欵。  
 如人之渠脊。然易之丘頤。亦謂渠頤也。笑曰軒渠。皆狀口腮也。  
 又唐時謂人曰渠。今呼如其或坑蛇反。如居亦音基。區亦通丘  
 之類。以此益信古渠魁丘其頰。尅之為一聲。稱謂之始。人身之  
 形。與天地間之形。皆相因呼之。溝渠背而無不通合。如培塿陪

尾猶人之背負微高也。溝洫志商顏山額也。陳遵傳井上曰脊。五行志旁著岸踈尾閭如人之後穴。尾上有閭口也。閭之因脊猶門之因脊。

短罷猶短痺也。○司樂注少師曰彼讀為短罷之罷。此言短痺也。痺轉為牌音。故罷轉為擺音。方言擺擺通語也。其時已有此音矣。古罷但音罷。借為疲。今讀罷為彼。駕反。亦後來之轉也。方言委疲謂之隄企。又曰隄崎也。企與歧同。隄本音崎。而轉為隄。猶矮本从委。而今呼為藹也。隄有隄音。痺有擺音。故疲有矮音。後漢書童謡見一痾人上天。注即矮人。足徵古齊微韻。而後轉皆來韻也。詳見諺原。

金口即噤口。○荀子金口蔽舌。金即噤。古噤唵吟隨用。素問呿唵閉口為唵。韓非子楊權篇公子既眾。宗室憂唵。太玄唵首。皆與噤同。史晁錯傳恐天下之士噤口不敢復言。日者傳悵然噤口不能言。亦作吟。說文口閉也。退之聯句直辭一以薦巧舌千皆吟。梁冀傳口吟舌言。謂語訖也。亦噤意。墨子近臣則暗。遠臣則唵。即吟。呂覽審應篇君呿而不吟。高注呿開唵閉。是唵訛。三盆手曰三淹。一作三掩。○祭義縑三盆手。注三盆手者。三淹也。九縑每淹大總而手振之。以出緒也。智按注疏淹一作掩。釋文去聲。若以今呼當菴鑑反。○文選○文選○文選○文選。苛癢一作苛癢疴痒。○內則疾痛苛癢。古本與陸本皆苛癢。一



作疴痒。荷與苛通。故借。

扼腕。一作搯腕。扼。拏。扼。拏。搯。搯。拏。拏。○說文。拏。从手。取聲。楊雄曰。拏。握也。身貫切。敬甫但作取。今作腕。腕。左傳。拔衛侯之手。及扼。士喪禮。設沒麗子。拏。白飯持之。設握。乃連拏。鄭注。拏。掌後節中也。飯。大擘指本也。沒。以韋為之。設握。綦繫連結之。古文麗為連。拏。作扼。六書故引。設握。乃連拏。以拏為古閑切也。智按。此切乃孫陸等所附。不足據也。古文奇字曰。拏。大篆。拏。拏。古文。按从手。又从手。複矣。智因大篆从以。知為妃訛。據儀禮左傳。當以拏為正。集韻亦作拏。拏。但無卓識。定其原流耳。漢書作臣者。亦象扼形。非从臣也。明有古文拏。何故不从。史記封禪書。莫不搯腕。

自言有禁方。張儀傳作搯腕。亦書作拏。漢書扼拏游談。郊祀志。四方瞋目。扼拏。國策。偏袒扼腕。隗囂傳。王遵與牛邯書。吟嘯扼腕。搯。又作搯。乙革切。圈握也。喪服傳曰。苴經大搯。康成曰。搯。扼也。中人之扼。圍九寸。

夾脊曰腠。凡肉肥爽處曰腠。小腹邊肉曰腠。郗崱曰。鬲。骸骨曰。汗。腠。腸曰。躄。水。躄。曰。髀。踵。根曰。跟。○急就曰。腠。腠。胸。脇。喉。咽。髀。股。腳。膝。臙。脛。為。柱。躄。躄。跟。踵。相。近。聚。注。腠。音。身。非。也。腠。即。寅。為。寅。卯。加。作。寅。詳。見。疑。始。腠。指。腰。腹。爽。肉。處。如。腰。俞。亦。腰。腠。未。可。拘。腹。下。肥。之。訓。也。直。翁。引。說。文。髀。肩。前。也。徐。引。詩。傳。上。殺。中。髀。今。說。文。本。無。此。語。必。錯。本。也。集。韻。作。髀。皆。音。偶。非。是。按。注。疏。大。

庖不盈毛傳自左膘而射之達于右膈為上殺射右脾達于右  
 鬲為下殺膘頗小反王蒼曰小腹兩邊肉也脾蒲禮反鬲一本  
 作髑于小反水臙也髑音愚智考亦入東韻急就叶柱聚正愚  
 音轉仄也水臙即脾閒顏曰踣一作踣俱時充反踝戶把反跟  
 音根臙一作臙音牝說文郗耑也去聲黃氏曰膝蓋骨為柱者  
 髓脾之下如屋有柱也爾雅曰髑瘍為微窳戚至髑是已脛骨  
 也脛去聲靈樞經下至髑髑長九寸音曷于與髑混凡夫曰臙  
 訓混臙臙丘媿切郗脛閒骨也

兩膊閒曰脾肩甲即肩胛○說文髑肩甲也補各切按肩甲即  
 肩胛劉平水曰背胛與胸脇相會闔後漢張宗傳中矛質胛注  
 背上兩膊閒膊即髑戴仲若以五官像面瘦乃胛肥大令桓江  
 州帖髑痛不可堪而比作書則是臂膊明矣

夜耳言耳垂如掖也猶之耳食耳剽植耳之字法也○轉注略  
 夜音惕列子師曠方夜耳俛首而聽之愚謂夜當音掖方與俛  
 首相洽漢志東海夜縣今作掖禮樂志俠嘉夜蒞蘭芳注夜如  
 液此但證夜有掖音而嘉夜之意正不必解也植耳見淮南耳  
 食耳剽見史記

頡頏當是頡頏○呂覽明理篇引子華曰亂世之民長短頡頏  
 百疾高誘注曰疾病也長短者無節度也頡頏猶大猗選也百  
 疾許也智按說文悟逆也音忤字考曰戾也郭璞曰觸選音

瞑又音靈。莊子作選。孫恂遂收顎字。以義推之。當是韻語。言莫莫。結愕逆之狀也。呂覽傳抄筆訛。如顛涿乃督字之類。

一瞬即一瞬。○呂覽安死篇。夫死其死。視萬世猶一瞬也。注頰

川人謂相視曰瞬。一曰瞬者。謂人臥死覺也。智按瞬瞬瞬瞬瞬

一字。莊子曰。豚子食于死母。少焉瞬若棄之而走。崔氏曰。目動

也。一本作瞬。遠遊篇瞬。注即瞬。項羽紀。項梁瞬藉。又作旬。傷寒

有瞬症。孫恂真韻載瞬瞬為一。而去聲載瞬瞬瞬瞬為一。公羊

傳文七季。跌晉大夫。使與公盟。注以目通指曰跌。音舜。一作瞬。

訛作跌耳。

掩牒。握遞。病狀也。○瓊敷言半臥半起為掩。於帖切牒。音葉智按此

景純解方言也。凡病而不甚曰掩。今讀奄帖。又管子入國篇

注。疾者兩手相拱著而不伸曰握遞。道昭作掩。又作燻。燻病

也。

月客。姪變也。○說文曰。漢律見姪變不得侍祠。故以丹的注面。

謂月事也。神仙服食經曰。仙藥有陽丹陰丹。婦人乳汁也。

婦人十五已上下為月客。有事月客絕上為乳汁。燻曰家山道

地以留情嶺名。雙乳靈源左乳下。蘆花為右乳下。結藥在乳

乃解。猶言蟬蛻也。○問奇集乃解音假。方穀城宗之。智按蓋因

後漢注乃解者。言登仙假託為乃以解化也。此以假解之。豈音

假乎。又前書葵人為方便道。形解銷化。服虔曰乃解也。張晏曰

如山中龍解骨則以尸解注形解甚明。又按唐張果卒好異者奏以爲尸解。胡三省注曰解佳買反。仙家所謂尸解譬猶蟬蛻。蟬飛而蛻在也。此說此音最是。故特表之。漢讀時有方言。陸德明一切取之。而又誤取誤音。學者不攷其原而反執異音相駁。邪。虛舟子曰蛻形見氣。蛻氣知神。蛻神歸空。蛻空明理。蛻理還物。則踐形者神也。談引道家曰形神離則死。而老曰死而不亡者壽。大乘訶鬼窟神我。正須窮盡此心。乃能不惑。以爲世世面步引道引也。○漢志有黃帝雜子步引十二卷。梁蕭有導引圖。序曰朱少陽得其術于黃帝外術。又加以元禽化禽之說。乃演而圖之。隋志有引氣道引圖。唐六典有按摩博士一人。華陀六

禽之戲。此步引之一端也。抱朴子曰黃帝論導養而質玄素二女著體診則受雷岐。真西山曰養生說出于老子谷神章。莊子曰伏戲得之以襲氣母。黃帝得之以登雲天。列子天瑞篇引黃帝書曰谷神不死。是謂玄牝。則此語有由來。而老子引之耳。智按神仙方伎也。莊子提養生之至明矣。

祝福因爲祝由。祝尤咒尤。○說文福祝福也。卽祝由。內經有祝由。徐文長引物原曰禁咒名。越方。漢成信南越而禁咒方始。智按後漢傳趙炳善越方。漢書有禁方。古有祝科。至漢通外國而更奇。如西域幻人之類。南史薛伯宗徙癰柳樹上。洪邁夷堅志。漂陽巫犁竈灰而骨瘦愈。亦其類也。今太醫院第十三科爲祝

尤又曰咒尤爲咒而愈病如周禮之祝也

厭代猶厭世也○王暉太宗厭伐之夕事出曖昧史瓘以厭爲厭魅胡三省曰謂升遐也并觀瑣言曰厭世字出莊子千歲厭世去而上僊唐諱世爲代猶言卽世棄世捐館之詞三省未引及此或曰順世卽厭世之稱

奶肉烟上之俗猶捐毒之茶毗也○異聞錄引列子曰楚南有炎人國親戚死奶其肉棄之秦西有儀渠親戚死焚之燻則烟上謂之登遐然後爲孝奶音寡博物志亦引此言事見墨子周日用曰佛國之法可知是上古外國之俗也智按列子作奶依小篆作𦉳訛爲奶卽朽字山海經有奶塗之山注與朽同月令

其臭朽陸作奶可證商氏書音寡誤矣或讀剛字古剛與朽相通如剗之音枯猶枯與朽相因魁與丘相借也韻輯拾遺周禮之膺卽朽字孫愐作𦉳



70038592



